

續名醫類案

二



續名醫類案卷四

錢塘魏之琇編集

傷風

孫文垣治王祖泉乃眷。朝飯後。稍寒惡風發熱。傷風惡風過身疼痛。汗大出不止。傷風則有汗口中熱。腹中不知饑。

小水短。肺金不利而汗多也六脈皆濇。營衛不和投以白芍五錢。白朮二錢。桂枝黃芩各一錢。甘草八分。三帖汗止。寒

熱除。去白朮加當歸。身痛亦愈。

費一吾六弟婦。遍身痛發熱。汗大出。昏昏如醉。臥不能起。孫診之。兩寸短弱。六脈皆數而無力。此勞倦之

餘。故汗大走也。身痛發熱。不僅傷風黃耆三錢。白芍四錢。甘草一錢五分。桂皮八分。當歸一錢。石斛二錢。與前藥俱就建

中加減孫於雜證多用此方一帖熱除。痛汗皆止。惟倦不能起。前方加人參陳皮兩帖而痊。

一婦人先傷風發熱。欬嗽。二月乃分娩。熱尚未退。食雞汁肉等太早。嗽熱愈盛。已八日矣。胸膈脹痛。頭痛

口渴。大便秘。肺氣壅而血液燥也欬出之痰。色黑而臭。小水短少。脇下扯痛。氣逆而喘。不得臥。左脇不能著席。汗

出不止。證甚危。以瓜蒌五錢。蘇子一錢。枳殼酒芩各六分。前胡桔梗各五分。甘草三分。薑三片。製方服甚妙

之胸膈之痛減半。喘少定。再進藥。大使用蜜導下。就方加減服之。熱盡退。諸證尋愈。

胡鏡陽尊堂。年七十二。脾泄十五年不愈。近加吐紅。欬嗽痰多不易出。肺金壅滯可知甲酉時潮熱。胸膈壅塞。不



海昌王士雄孟英
定州楊照黎素園同校



能就枕。飲食大減。且惡風。終日坐幔中。諸醫謂發熱吐紅。法當寒涼。脾泄多年。氣虛老邁。法當溫補。二證矛盾。難於投劑。身熱脈大。又血家所忌。束手無策。皆辭去。孫診之。兩手脈皆浮洪而數。皆帶滑。據脈洪數爲熱。滑爲痰。浮爲風邪在表。以傷風故惡風。法當清解。可無恙也。謂二病矛盾者。暗於先後也。夫脾泄已久。未嘗爲害。新病熱熾。宜當速去。所謂急則治標。俟邪去後。補脾未晚。且潮熱爲風邪所致之熱。非陰虛火動之熱。吐血乃當汗不汗之血。非陰虛火動之血。經云。奪血者無汗。奪汗者無血。當汗不汗。邪鼓血動。但得表解。斯熱退血止矣。胡曰。昔老母過錢塘。遇風濤受驚。因發熱欬嗽。血出痰多。今以公言質之。誠由風邪起病也。用蘇子麻黃薄荷解表爲君。枳殼桔梗桑白皮瓜蒌紫苑貝母消痰治嗽爲臣。酒苓甘草爲佐。二帖五更微汗而熱退。胸膈不壅。嗽亦少減。血止大半。始進粥。次日減麻黃加茯苓。夜服七制化痰丸。嗽亦減半。自是不惡風而去幔矣。前方減枳殼加苡仁。調理而安。

黃履素曰。予弱冠患傷風。不謹床第。每晨起卽鼻中流涕。竟日痰不絕口。留連月餘。遂見痰中縷血。遺害無窮。諺云。傷風不醒結成勞。蓋金水二藏情關子母。金傷則不能生水。子瀉則其母愈虛。水不能制火。火乘金而金益敗。此虛嗽之證所由成耳。信乎傷風雖小病。最不可不慎者。故補脾保腎。乃養生家第一義。而肺病極宜斷色慾。相關相應。捷於影響也。

又曰。予臨場慮不耐風寒。合玉屏風散服之。反自汗津津不止。蓋防風與黃耆各等分之謬也。本草云。黃

者得防風其功愈大用黃耆七分配防風三分斯得之矣。凡傷風未經和解此方斷不可服慎之

喻嘉言治石開曉。傷風咳嗽。未嘗發熱。自覺急迫欲死。呼吸不能相續。診之見其頭面赤紅。躁擾不歇。脈亦豁大而空。謂曰。此證頗奇。全似傷寒戴陽證。何以傷風小恙亦有之。急宜用人參附子等溫補下元。以收回陽氣。不然子丑時一身大汗。脫陽而死矣。渠不以為然。及日落。陽不用事。愈慌亂。不能少支。忙服前藥。服後稍甯片刻。又為牀側添同寢一人。逼出其汗如雨。再服一劑。汗止身安。欬嗽俱不作。詢其所由云。連服麻黃藥四帖。遂爾躁急欲死。然後知傷風亦有戴陽證。與傷寒無別。總因其人平素下虛。是以真陽易於上走矣。傷風而服麻黃至四劑即壯實人亦不能無害矧下虛者哉 雄按原有一種雖似風實非傷風乃下元根久虧腎水泛濫以為痰浮陽衝激而成嗽也今夏余偶診高石泉之脈左關尺浮弦而空因謂其仲郎雋生曰令尊之脈甚可慮也既而無恙迨雋生舉子鄉計偕有日而石泉陡患傷風馮某為之解散次日便瀉多次黃某為之分清第三日痰升氣逆自覺脣腫不能吸飲速余視之脣何嘗腫而舌色晦黯無津脈似蛛絲欲絕乃陰脫於下陽越於上也藥不能追已而果逝洪張伯孝廉令堂病同此余一視而決其不治蓋雖似傷風而脈先虛促難尋也旬日果敗皆十二月春前事也聞許吉齋山長秋分後傷風數日而亡諒亦此類耳

盧不達治嚴忍公內人病發熱無汗。

傷風亦無汗嘔吐不止。脈反沉弱。

傷風脈當浮今沉故曰反

人皆以為少陰證。盧脈之。

沉弱中獨右關表弦而中滑。蓋風邪挾胃中水飲停積所致。用乾葛半夏吳萸黃連急煎緩服。嘔吐遂止。而熱轉盛。復診視脈勢欲浮。命其進粥。皆不敢再。三強之。呷濃米飲半杯。遂有汗而熱平。再進薄粥。汗多而熱退。乃問曰。風寒之邪世俗大禁飲食。今啜粥而熱退何也。曰。風之與寒原自有別。世蓋溷之。

耳。仲景桂枝湯治風。服已啜粥。古人之精義也。蓋風者木也。木尅土。脾胃受之。仲景治法。妙在不治風木。但令濕土氣行。而風木之邪自散。今熱轉盛而脈勢欲浮。是風邪欲散也。非穀氣揚溢。則胃力孱弱。汗何從來。是借桂枝之義。以除風邪之不能汗者。按傷寒及感證。日久津液既枯。不能行汗。得大甘草一氣湯一服。乃蒸變爲汗而愈矣。若多服風藥及香燥等藥。入必大作脹。一二時許。然後來蘇。後賢以此爲內託之奇。予謂仍是仲景啜粥法耳。後人安能越古人之範圍哉。

吳乎先治盧敬菴。

暑月感寒。服羌防發散。汗出已愈。後復感冒。又用發散。旋愈。旋感。前藥不應。吳曰。塵散

不愈。肺氣已虛。徒攻表而不救表。風邪乘虛而入。無已時矣。方用君黃耆五錢。實肺氣以固衛。佐防風

一錢。助耆力以祛邪。

玉屏風散

如是則舊邪無所容。而新邪無可入也。二帖而痊。愚謂傷風一證。殊非小

恙。有寒燠不時。衣被失節而成者。此必鼻塞聲重。欬嗽多痰。在元氣平和之人。卽弗藥自愈。若在腎水

素虧。肝火自旺者。不過因一時風寒所束。遂作乾咳喉痛。此外邪本輕。內傷實重。醫者不察。肆行表散。

致鼓其風木之火上炎。反令發熱頭痛。繼又寒熱往來。益與清解。不至十劑。肝腎與肺三藏已傷損無

遺久者周年。近者百日。溘然逝矣。而世俗談者。咸以傷風不醒便成勞爲言。噫。彼勞者。豈真由傷風而

成也耶。愚哉言也。當易之曰。傷風誤表必成勞耳。

雄按。損由外感而成者甚多。雍乾間。歙人吳澄字師朗。著不居集。一書專論外損。自成一家。惜用藥未盡

善耳。

柴嶼青曰。乙丑新正。張妹婿家人之婿董四。患傷風來寓求診。卽決其不治。內人曰。彼少年癩人。傷風小病。何遽若此。柴曰。脈象已敗。不可爲也。後果然。此必肝腎大傷之候也。

張三錫治一人。傷風自汗。發熱不止。自以爲虛。服補中益氣湯。熱轉劇。診之脈弦而長。實有力。與升麻葛根湯倍白芍。加桂枝少許。一劑汗止熱退。治法彙

一人瀉而左脈浮急。自汗鼻塞。乃傷風作瀉也。與五苓散加防風白芷升麻葛根薑蔥煎服。同上

陸肖愚治吳遜齋夫人。年六旬外。素有脾泄之證。三月間患咳嗽吐血。痰多而咯之不易出。日潮熱。胸膈支結。不能就枕。畏風寒。或以脈數吐紅。身熱咳嗽。皆血虛火盛也。與養血清涼泄未已。而痰壅益加。更醫以高年久瀉。用六君子瀉未已。而痰壅殊甚。二醫商治。一以吐血不宜身熱脈大。一以泄瀉不宜身熱脈大。俱辭不治。脈之左寸關浮洪。右寸關滑數。兩尺弱。此表邪不清也。蓋脾泄乃宿疾。吐血乃表氣之鬱矣。詢之果受風數日後而病作。用炒黑麻黃蘇葉前胡解表爲君。杏仁蘇子陳皮利氣爲臣。桑皮片苓花粉石膏清熱爲佐。甘草桔梗散膈和中爲使。二劑後微汗。證頓減。去麻黃蘇葉石膏。加白芍茯苓。二劑證如失。與丸方治其脾瀉。人參白朮茯苓爲君。白芍霞天麴爲臣。炙草乾薑砂仁爲佐。棗肉神麴糊丸以爲使。服數旬而痊。

陸祖愚治陳理刑。因勞頓後頭疼鼻塞咳嗽。胸膈不利。咽乾身熱。行動卽有微汗。有痰不能咯出。兩寸浮

弦而數。左關弦緊。右關弦滑。兩尺平和。先用疎解和氣二劑。繼入養血二劑。三日間。諸證頓愈。

薛立齋治一婦人。素清苦。勤於女工。因感風邪。自用表散之劑。反朝寒暮熱。自汗盜汗。形氣甚虛。其脈或浮洪。或微細。其面或青白。或痿黃。此邪去而氣血愈虛也。用十全大補湯。三十餘劑。漸愈。又用加味逍遙散兼治。半載而痊。琇按。傷風誤表。多成勞損。觀此可鑒。

林觀子治一婦人。浴後被風。遂自汗出身熱。然無頭痛體痛惡風諸證。旬日來。雜治皆不效。其胸以上痞隔。漸至湯飲到喉而止。脈之關以上微浮。此瓜蒂散證也。其人素虛。與桔梗蘆一兩煎服。到咽一吐。悉涎濁酸穢之物。又與一服。再得吐。始快然熱除。調理數日而安。

毛氏子。傷風喘嗽。復以飲食起居失調。遷延轉劇。診之面色枯白。夢泄不禁。飲食減少。喘嗽發熱。兩脈虛微。知其喘爲真氣上脫。熱爲陽氣外散。不與陰氣純虛者同。面色枯白。脾肺氣虛而不榮也。飲食減少。脾胃氣弱而不化也。夢泄不禁。腎藏氣衰而不固也。此皆本氣爲病。用人參二錢。黃耆三錢。肉桂五分。炙草五分。茯苓一錢。半耬一錢。橘紅八分。服數劑。喘漸平。熱漸退。隨與大造膏調理。飲食進而神旺如初。

朱翰文偶患風寒小疾。或以麻黃大發其汗。汗出不止。遂致語言短怯。神氣不收。面色枯白。時有寒熱。已瀕危。診其兩脈微瀼而虛。虛則氣少。瀼則陰傷。此元氣津液兩傷之候也。傷風小證。何遽至此。蓋以麻

黃辛甘氣溫。爲傷寒發汗重劑。今不當用而用之。不特劫其津液外亡。并元氣亦因而脫矣。治法宜陰陽兩補。用人參製首烏茯苓白芍丹皮甘草廣皮半夏麴等三劑。脈象有神。諸證漸已。斷加耆朮而安。

與喻嘉言
案合參

劉雲密曰。丁酉臘。人病頭痛惡風。鼻出清涕。兼以咳嗽痰甚。一時多患此。用冬時傷風之劑而愈者固多。然殊治者亦不少。蓋是年君火在泉。終之氣。乃君火。客氣爲主氣。寒水所勝。經曰。主勝客者逆。夫火乃氣之主。雖不同於傷寒之邪入經。然寒氣已逆而上行。反居火位。火氣不得達矣。所以雖同於風。投以風劑。如羌活輩則反劇。蓋耗氣而火愈虛也。至於桂枝湯之有白芍。固不得當。卽桂枝僅泄表實。而亦能如麻黃能透水中之真陽以出也。故愚先治其標。用乾薑理中湯佐五苓散。退寒痰寒水之上逆。乃治其本。用麻黃湯去杏仁。佐以乾薑。人參川芎半夏。微微取汗。守此方。因病進退而稍加減之。皆未脫麻黃。但有補劑不取汗矣。病者乃得霍然。

聶久吾曰。一友以醫自負。稟性素熱。慣服涼藥。在京朝覲。因傷風久欬。求治於予。予曰。欬因風寒。必先除寒邪。而後可以清熱。先用桑杏麻黃防風等藥。彼自是已見。以爲素不用燥藥。單用梔荅花粉等涼劑。服多一日。聲啞不出。復求治。乃戒之曰。公能任吾意用藥。勿參己見。則聲可立出。若必自用。不敢與聞。彼不得已而聽予。因與加味三拗湯。一劑畢而聲出矣。杏仁二錢五分生甘草五錢羌活各八分桔梗各八分防風錢一

薑水煎帶熱服。

魏玉橫治孫敦夫女。十歲許。冬日感冒微嗽。專科與發散太過。反致身熱不退。更醫投六君子加炮薑五味一劑。熱退矣。而欬嗽轉甚。下利頻併。裏急後重。中有白膿。醫以熱退爲藥對證。再與之。則面赤口燥。惡食不眠。余適診其大父。因求視脈之虛而駛。日四劑可愈。然必少衄血。與生熟地杞子各四錢。天麥冬蔓仁各錢半。乃詒曰。今病已洩瀉。又從而滑利之。甯不增劇乎。余笑曰。第服之。病自減。乃始進半鍾覺咳嗽稍瘥。遂連進二劑。果愈。四五。再以前方加酒芩酒芍各一錢。不二劑。衄血一小盞全安。或問故曰。兒稟素弱。所病卽俗名火傷風也。不治亦愈。乃以荆防廣半芎蘇前桔諸燥藥。鼓動三焦之火。至陽擾而熱盛。後醫謂虛是矣。宜以甘寒潤澤與之。則證自平。乃用六君燥補。加以炮薑之辛溫。五味之酸斂。藉人參之力而熱退。其內燔之火。盡入於肺。若傷寒傳裏然。肺熱甚則下迫大腸而爲痢矣。其中白膿。乃燥金壅熱所化。與痢疾正同。茲但養其榮氣。潤燥清熱。病自愈也。又問何以知其當衄。曰。初時下痢。則火從下泄。痢止餘熱反走諸絡而上溢。否則炮薑五味之性。何由稍釋其衄也。亦猶傷寒陽明熱邪得紅汗而解矣。

尤在涇曰。評熱病論云。勞風法在肺下。其爲病也。強上冥視。唾出若涕。惡風而振寒。治之奈何。曰。以救俯仰。巨陽引精者三日。中年者五日。不精者七日。欬出清黃涕。其狀如膿。大如彈丸。從口中或鼻中出。不

出則傷肺。傷肺者死矣。讀此可悟傷風不解成勞之故。勞風者。既勞而又受風也。勞則火起於上。而風又乘之。風火相搏。氣湊於上。故云法在肺下也。肺主氣而司呼吸。風熱在肺。其液必結。其氣必壅。是以俯仰皆不順利。故曰當救俯仰也。救俯仰者。卽利肺氣。散邪氣之謂乎。然邪氣之散與否。在乎正氣之盛與衰。若陽氣旺而精氣引者。三日。次五日。又次七日。則青黃之涕從欬而出。出則風熱俱出。而肺無恙矣。設不出。則風火留積於肺中。而肺傷。肺傷則喘欬聲嘶。漸及五藏。而虛勞之病成矣。今人治勞。日用滋養而不少益者。非以邪氣未出之故歟。而久留之邪。補之固無益。清之亦不解。虛勞病之所以難治也。

徐靈胎曰。凡人偶感風寒。頭痛發熱。咳嗽涕出。俗謂之傷風。非傷寒論中所云之傷風。乃時行之雜感也。人皆忽之。不知此乃至難治之疾。生死之所關也。蓋傷風之疾。由皮毛以入於肺。肺爲嬌藏。寒熱皆所不宜。太寒則邪氣凝而不出。太熱則火燔金而動血。太潤則生痰飲。太燥則耗精液。太洩則汗出而陽虛。太澀則氣閉而邪結。并有視爲微疾。不避風寒。不慎飲食。經年累月。病機日深。或成血證。或成肺痿。或成哮喘。或成怯弱。比比皆然。誤治之害。不可勝數。諺云。傷風不解。變成勞。至言也。然則治之何如一驅風。蘇葉荊芥之類。二消痰。半夏象貝之類。三降氣。蘇子前胡之類。四和營衛。桂枝白芍之類。五潤津液。蔓仁元參之類。六養血。當歸阿膠之類。七清火。黃芩山梔之類。八理肺。桑皮大力子之類。八者隨其

證之輕重而加減之。更加以避風寒。戒辛酸。則庶幾漸愈。否則必成大病。又加以升提辛燥之品。如桔梗。乾薑之類。不效。卽加以酸收。如五味子之類。則必見血。既見血。隨用熟地。麥冬。以實其肺。卽成勞而死。四十年以來。我見以于計矣。傷哉。

張路玉治姜如農長媳。患風熱欬嗽無痰。灼熱自汗。而懷妊七月。先曾服和解清肺藥二十餘劑。其欬轉劇。胎漸不安。診之大脈皆濡大無力。右手寸關獨盛而瀉。曰此熱傷肺氣也。反與和解藥逼汗出。致肺氣益燥。而欬逆愈甚。不得已復用苦寒折之。則火轉鬱伏而不散也。遂用大劑萎蕤及川芎杏仁白微甘草。取萎蕤湯之半。更以當歸桔梗五味黃耆。益氣生津。因以斂肺。二劑汗止。欬減。胎亦向安。更加生訶子皮一劑而痊。

郁金巖勞役後傷風自汗。胸滿痰結。咳出青黃涕。大如彈丸。此卽內經所謂勞風。法在肺下也。與茯苓桂枝白朮甘草湯加薑汁竹瀝二劑而安。又治宋襄之女。素常多鬱乾欬。春間感冒風邪。欬逆愈甚。以小建中湯用蜜煎生薑加蜜煎橘皮。外邪卽解。而欬不止。次以逍遙散。仍用蜜煎薑橘。更與異功散。用蜜製白朮薑橘而安。

吳佩玉女傷風欬嗽。自用疎風潤肺之藥。轉加嘔渴咽痛。診之六脈浮滑。應指作半夏散與之三。啜而病如失。或問咳嗽咽痛而渴。舉世咸禁燥劑。而用半夏卽效何也。曰治病必求其本。此證風寒邪挾飲上

攻之暴迫。故用半夏桂枝以開通經絡。迅掃痰涎。兼甘草之和脾胃以救津液。風痰散而營衛通。則咽
痛燥渴自已。設用清潤。滋其痰濕。經絡愈困。津液愈結。燥渴咽痛。愈無甯宇矣。近世治風寒欬嗽。雖用
表藥。必兼桑皮黃芩花粉。甚則知柏之類。少年得之。必種吐血虛損之根。中年以後得之。多成痰火喘
欬之患。初時元氣未衰。邪熱暫伏。似覺稍可。久之真氣漸傷。轉服轉甚。及見吐血。則不問何經臟腑。屬
火屬傷。血之散結。色之晦鮮。痰之有無。概以犀角地黃寒涼止截之劑投之。致血蓄成根。向後或兩月
一月一發。雖日服前藥不應矣。嘗見一人患項腫發熱。延傷寒家視之。則曰大頭傷寒。以表藥發之。并
頭亦脹。確然大頭無疑矣。病家以其治之益甚。另延雜證家視之。則曰濕熱痰火。以裏藥攻之。則頭與
項前半皆消。但項後右側偏腫。則又確乎非大頭而為雜證矣。病家以腫在偏旁。疑為癰毒。更延癰
疽家視之。則曰對口偏疽。以託裏兼敷外藥治之。則氣血益滯。熱不得泄。鬱遏竟成潰瘍。頭本一病也。
治之迥異。證亦屢遷。可見病隨藥變之不誣耳。

暑

許叔微治一人。頭痛身熱。心煩燥渴。診其脈大而虛。授以白虎湯數服。愈。仲景云。脈虛身熱得之傷暑。又
云。其脈弦細。芤遲。何也。素問曰。寒傷形。熱傷氣。蓋傷氣不傷形。則氣消而脈虛弱。所謂弦細芤遲者。皆
虛脈也。仲景以弦為陰。朱龐亦云中暑。脈微細。則虛可知。

癸丑年故人王彥龍作毗陵倉官。季夏時胸項多汗。兩足逆冷。且譫語。醫者不曉。雜進藥已經旬日。診之其脈關前濡。關後數。曰當作濕溫治之。蓋先暑後受濕。暑濕相搏。是名濕溫。先以白虎加人參湯。次白虎加蒼朮湯。頭痛漸退。足漸溫。汗漸止。三日愈。此名賊邪。誤用藥有死之理。有人難曰。何名賊邪。曰難經云五邪。有實邪虛邪正邪微邪賊邪。從後來者曰虛邪。從前來者曰實邪。從所不勝來者為賊邪。從所勝來者為微邪。自病者為正邪。假令心病中暑為正邪。中濕得之為賊邪。五邪之中最逆也。難經曰濕溫之脈陽濡而弱。陰小而急。濡弱見於陽部。濕氣搏暑也。小急見於陰部。暑氣蒸濕也。故經曰暑濕相搏。名曰濕溫。是謂賊邪也。不特此。予素有停飲之疾。往往至暑月。汗兩足絜絜未嘗乾。每服此藥三盞即愈。

張子和治小鄭年十五。田中中暑頭痛困臥不起。以雙解散汗之。又以米泔湯投之未解。晚又以三花神祐丸大下之。遂愈。

張子和治張叟年七十一。暑月田中因饑困傷暑。食飲不進。時時嘔吐。口中常流痰水。腹脇作痛。醫者概用平胃散理中丸導氣丸不效。又加針灸。皆云胃冷。乃問張。張曰痰屬胃。胃熱不收。故流痰水。以公年高不敢上涌。乃使以一筋探之不藥而吐痰涎一升。次用黃連清心散導飲丸玉露散以調之。飲食加進。惟大便秘。以生薑大棗煎調胃承氣湯一兩奪之。遂愈。

萬密齋治縣丞李天泉。六月中暑腹痛。渠有婢妾。醫謂病寒。進理中湯一劑。痛止。乃發熱。一身骨節盡痛。又進十神湯。發汗。熱退。身不痛矣。萬候之。李稱病愈。觀其面色帶赤。知病未解。請脈之。洪滑而數。色脈相對經曰。大則病進。今汗後脈猶洪數。病方進也。而彼自稱愈。萬已去。食頃而病作矣。滿腹急痛。狀如奔豚。上下左右。舉手按摩。亟延萬至。曰。汝先診脈。不言而去。知我病也。幸急救我。萬曰。無傷。乃進建中湯。一服而痛定。次日有省。祭官萬朴來問疾。朴嘗醫。診之。且駭。且顧。李亦疑懼。萬診之。謂朴曰。汝怪其脈之促止乎。蓋心下怔忡。故脈如是耳。李即應曰。我心下跳亂不甯。即命取藥。方用人參。麥冬。甘草。白芍。生地。五味。獐猪心。煮湯煎。一服。心跳止。脈不促矣。蓋心惡熱。用熱治熱。向服理中。十神俱犯禁。故病復作也。

李少華知醫。六月得暑病。服九味羌活湯。一劑。汗出不解。謂藥劑少。發汗不透。復作大劑服之。汗大泄。而熱轉甚。連進三劑。病益亟。如癡如狂。舌強言語蹇澀。手足掣動。小便不利。莖中痛。以手捏之。纔下一二滴。不食。唯能飲水。萬脈之微弱而遲。或問病可治否。曰。壞病也。醫之過耳。心惡熱。壯火食氣。方今盛夏。火氣正壯。而重發其汗。汗之過多。則傷心。心藏神。如狂如癡者。神氣亂也。非畜血舌內應乎心。汗多則血虛。不能榮舌。故強不能言也。手中掣動者。汗多筋惕肉瞤也。非中風渴飲水。汗多津液涸也。非陽明發渴小便不利者。心移熱於小腸。小腸移熱於膀胱。津液少而氣不化。故莖中痛。連五劑而愈。未載所用何方。殊嫌疎備。

汪懷江中暑復傷食。一醫用五積燥熱之劑。陽氣外散。陰津內竭。陽強陰弱。皮膚燥而無汗。當先養其陰。而後制其陽。使汗出而表和。遂以涼膈散去大黃芒硝。加知母石膏淡豉竹葉。一服微汗出。而身潤矣。方議下之。又一醫至。稱是陰虛火動。不可下也。用四物湯加炒乾薑。觸動陽明之火。齒縫出血。足冷。成陽厥矣。乃復用涼膈散。服之利三行而病愈。

龔子才治一婦人。暑月因廚房熱極。遂出當風處脫衣乘涼。卽頭痛發熱。惡寒身痛。醫誤以爲傷寒。用附子理中湯。一服下咽。立時不語。口中無氣。唇口青紫。心頭微溫。診之六脈洪大而數。此熱證誤用熱藥。令以燒酒噴其胸。將鏡撲之。更以新汲水和蜜。用雞翎沃入其口數次。少頃。患人卽伸舌探水。以益元湯灌下。卽活。

李士材治張邑尊令郎。六月間。未申時暈絕。不知人。更餘未醒。此得之生冷太過也。皂角末吹鼻中。無嚏。舉家驚惶。教以皂角灰存性。新汲水灌之。更取沉檀焚之。俾香氣滿室。以達其竅。至子後方甦。服十味香薷飲而安。

吳乎先治一人。奔馳烈日下。忽患頭疼發熱。或時煩躁。汗大出。大渴引飲。喘急乏氣。服香薷飲尤甚。此暑證也。然受暑有陽有陰。道途勞役之人。所受者炎熱。名曰傷暑。亭館安逸得之爲中暑也。香薷飲只宜於陰暑。若陽暑服之。反爲害矣。與人參白虎湯而愈。

董仁仲當暑天納涼飲冷。忽頭疼發熱。霍亂吐瀉。煩躁口渴。舌胎白滑。此陰暑也。得之過於寒涼。致周身陽氣爲陰邪所遏。宜香薷之辛熱。發越陽氣。散水和脾。四劑而愈。藜按此夏月感寒之證。乃指爲陰暑。而以傷暑者爲陽暑。治雖不誤。而稱名實謬上條亦然。

一芻蕘婦。夏月貪涼飲冷。胸如有一團之火。凡冷水涼茶入咽。覺從火團上分流而下。目則羞明畏火。口鼻間頻出火氣。診之六脈俱陰。舌胎紫青而滑。吳曰。此寒格反見熱化也。與乾薑肉桂溫散。少加黃連爲向導。移時覺胸中之火。頓化清涼而愈。

孫文垣治弟淑南。額痛遍身疼。口乾舌胎黃厚。左脈浮大。六部俱數。時當仲秋初旬。以小柴胡合白虎湯加羌活。熱不退。下午用六神通解散。以葱湯調服三錢。熱稍退。至半夜後又復熱。額痛顛頂尤甚。舌根黃且焦黑。小水赤痛。煩躁不睡。遍身又痛。此三陽合病暑證也。次日以小柴胡湯大加石膏爲君。藁本白芷竹葉粳米生薑大棗。少頃汗出至足。必至足乃爲正汗。熱始盡退。猶煩躁不睡。仍以小柴胡湯加桂枝山

梔竹茹竹葉。飲下遂愈。

張玉路治內兄顧九玉。大暑中患胸痞顛脹。脈得虛大而濡。氣口獨顯滑象。此濕熱泛濫於膈上也。與清暑益氣二劑。顛脹止而胸痞不除。與半夏瀉心湯減炮薑去大棗加枳實。一服而愈。

范文學治孫振麟。於大暑中患厥冷自利。六脈弦細。訖遲。按之欲絕。舌色淡白。中心黑潤無胎。口鼻氣息



微冷。陽縮入腹。精滑如水。問其所起之由。因臥地晝寢受寒。是夜連走精二度。忽覺顫脹如山。坐起暈倒。四肢厥逆。腹痛自利。胸中兀兀欲吐。口中喃喃妄言。與濕溫之證不殊。醫者誤以爲停食感冒。與發散消導二劑。服後胸前頭項汗出如流。背上愈加畏寒。下體如冷冰。一日昏憤數次。此陰寒挾暑入中。手足少陰之候。緣腎中真陽虛極。所以不能發熱。遂擬四逆加人參湯。方中用人參一兩。熟附三錢。炮薑二錢。炙甘草二錢。晝夜兼進。三日中連進六劑。決定第四日寅刻回陽。是日悉薑附。改用保元方。用人參五錢。黃耆三錢。炙甘草一錢。麥冬二錢。五味子一錢。清肅膈上之虛陽。四劑食進。改用生料六味加麥冬五味。每服用熟地八錢。以救下焦將竭之水。使陰平陽秘。精神乃治。

申叔旆觸熱過梁溪。歸而眩暈麻脅。發熱便秘。服黃連香薷不應。用涼膈散便通。或時昏眩不省。或時四肢清冷。而晡時爲甚。診之脈弦細而扎。此暑傷心包。陽氣鬱伏。所以有似陰寒也。與生脈合保元。清理肺胃。則包絡自甯矣。

柴嶼青治陳忍之患病。醫以溫散之藥投之。遂至徹夜不能合眼。時見鬼物。兩脈沉伏。證屬受暑。用加減清暑益氣湯。去參苓。一劑勢減。六脈俱現洪大。再服六一散。數劑而病退。惟夜間尙不能熟睡。遂以滋補安神之劑調理而安。

壬戌夏。五營繕朱載常。早間入署。輿中嘔吐。昏憤遺尿。醫以中風治。用附子理中湯加殭蠶。後又以兩脈